

啓聞懲治則驛丞雖有頑貪者庶不至恣肆傳曰左相議渡丞及內需
司別坐書題亦足為去官之路云吏胥雖不除驛丞或為渡丞或為內
需司別坐書題其去官之路非不廣也以左相之議捧承傳可也○諫
院啓李夢麟楊原君事又啓曰近來紀綱解弛習成自便凡公會不叅
及受由過限之人摘叅治罪事自 上再再傳教法司即當摘叅治罪
而視為尋常不即摘叅昨日乃啓稟曰前日受由而今則出仕者推之
乎近日受由至今不仕者推之手以前日受由之人推之則當自何年
而推之手如此取稟大失事體請誦傳曰憲府其誦之餘予兄○夜東
方南方西方有氣如火○以權祺為司憲府執義林鵬李夢弼為掌令
許溫崔輔漢為持平○辛卯諫院啓李夢麟楊原君事不見○弘文館
副提學蔡無擇等上劄曰風憲之地紀綱所在紀綱不立則公論不行
國勢委靡終至於不振前臺官任糾檢之責不能振肅朝綱致百僚解
弛及下傳旨未免情私之係不即察舉乃反稟啓欲推怨於 上市恩
於已其模稜自保之計則得矣奈朝廷紀綱何小事尚爾況當大事利
害切已者乎弊習至此可謂寒心伏願 殿下振礪士氣以正弊習整
頓紀綱以張公論答曰今觀上劄前臺官甚為非矣不可只逡固當罷